

唐先生集目錄

唐先生集目錄
第三卷

近體詩

五言雜詩二十首

閒居二首

調句景山

遣興二首

甲午元日二首

春歸

而都肥
天
宮

唐先生集目錄

唐先生集目錄

唐先生集目錄

唐先生集目錄

唐先生集目錄

唐先生集目錄

唐先生集目錄

唐先生集目錄

唐先生集目錄

春日五言二首

春日七言二首

鄭太玉送子魚

兒曹送窮

唁鄭二首

驟雨

江漲

代書寄鄭二

八月十五夜月

有感

立冬後作

調端孺

東鄰二首

謾成

聞鄭二對吏五羊

東麓

西溪

野望

獨遊

醉眠

贈故游茂先子振

憫雨

贈博士承議

次張天覺見贈韻

遊慶士臺

天覺和韻

江陵逢故人宋德祥

別處厚居正二宗兄

和天覺立春日示詩

宜都逢李六

舟中

北嵌

何執中挽詩

悼楊隱之承事

題覽勝閣後破佛

將赴闕有感示聃

次韻強幼安冬日旅舍
次韻幼安留別

唐先生集目錄卷之三

唐先生集卷之三

近體五言雜詩二十首

其一

屏跡舍人巷灌園居士橋
花開不旋種草薶
復齊腰蛤哭明朝雨
雞鳴閣夜潮未能全
獨樂隣里去還邀

其二

已絕經年筆仍關
盡日門身謀嗟翠羽人事

眉山唐

唐著



嘆榕根蔬食風掀市樓居水破村嶺南霜日
薄何得鬢邊繁

其三

便歸良不惡未去亦隨緣戶口知無瘴謳歌
覺有年藤笈得句後桂酒抱愁邊經術吾衰
矣猶堪學力田

其四

不死良難學全生或可幾茶隨東客到藥附
廣船歸棋倦收成敗書慵卷是非關心無雜

慮魂夢入精微

其五

兀坐且如此出門安所之手香橙熟後髮脫
草枯時精力看書覺情懷舉盞知炎州無過
鴈二字在天涯

其六

飽食為茶地深耕覓酒材翻泥逢暗筍汲井
得飛梅湖盡船頭轉山窮屐齒回田間良自
苦清興亦悠哉

其七

壯歲日千里晚途天一方花綬聊傲世白袷亦隨鄉團扇侵時令方書遣晝長此間吾所樂便擬卜林塘

其八

白日消諸妄青山對屢空著書防惡客學圃問隣翁織貝流椀滑檳榔入頰紅丹砂落吾手秋至任飄蓬

其九

多事定何補寡言聊自溫蟹黃噴止酒魚白勸加食濯足樓船岸高歌抱朴村愧無魑可禦只益負君恩

其十

開空良難入閒寬足見容竹根收白疊謂竹布也木杪得黃封謂椰酒也問學兼儒釋交游半士農行歌村落晚落日滿携筇

其十一

為農沙子步附保水西鄉隱几江天遠開門

佛土香時情荒徑草楚色淡淨一作魚梁欲縱
高秋目東偏短作牆

其十二

舊物盃中酒新街海上翁百非無一是顯過
豈微功引水江分碧烹丹井為紅幽居亦多
事度日不全空

其十三

小市江分破連簿水捲翻到今佛跡在千古
鶴峯尊浮嶠來何處豐湖入數村登臨有何

好秋至數消魂

其十四

已分詩驅使寧辭酒過差南烹人釣蛤北信
客占鷓年事侵膚理憂端宿肺家鄉來功業
典到晚詠餘霞

其十五

覆載宜然等寒暄乃爾殊雪曾前歲有地過
此邦無煮海鯨鯢動烹山虎豹吁南來何所
得詩語帶媿媿

其十六

夜語不覺久晨興良獨難加之得卯酒晚矣
恰朝殮筍蕨春生箸魚鰕海入盤南方禁太
飽茗碗直須寬

其十七

海氣東南上野烟申酉間草平連別洞雨轉
入他山道路魚鹽去樵蘇竹木還西江并北
客相對各蒼顏

其十八

水過漁村濕沙寬牧地平片雲明外暗斜日
雨霽青山轉秋光曲川長暝色橫瘴鄉人自
樂耕各浮生

其十九

浪迹蒼梧外放懷黃木東人情雙鬢雪天色
屢頭風國計中宵切家書隔歲通為儒得愁
思一笑賴兒童

其二十

萬里非吾土三年失我常只愁鳶跼跼敢作

鶴昂昂白竹連閩越黃雲入夜郎何時返棲
息誰為問姚娘

閒居二首

未許幽人曉夢長朝朝親炷佛前香有詩為
愛素家渴無病緣抄陸氏方身雜蠶中誰是
我食除蛻外總隨鄉白沙翠竹門前路疑出
西郊向艸堂

細細敲門細細磨老翁方曲晝眠肱魚陂舊
種千頭膾桑徑新窠十畝繒菜足高堪分地
主藥餘翻欲供隣僧平生雅有乘桴興咫尺
滄溟去未能

聞勾景山補蓋屋丞仍聞學道有得
以詩調之發萬里一笑

人言蓋屋侶江湖莫對丞哉嘆負餘別後耳
根無正始向來紙尾得黃初可憐鬼谷縱橫
口今讀神溪縹白書臣朔許長錢許少何當
天子念公車

遣興二首

南來不覺兩秋砧
覽照驚呼雪滿簷
平日不堪文館冷
暮年更賦武溪深
敢緣三已有愠色
自笑一生能苦心
安得素絲隨里閭
鬪雞走狗任浮沉

八千岐路愁何補
四十光陰老亦宜
此去只堪犀首飲
向來都是虎頭癡
逢時有道其如命
得意無言所恨遲
詩債即今渾倚閣
新篇惟有莫相疑

甲午元日

非賢幸脫龍蛇歲
上聖應憐蟻蝨臣
憶與政和同度嶺
朝年已點四年春

春歸

東風定何物所至
輒蒼然小市花間
合孤城柳外圓禽
聲犯寒食江色帶
新年無計驅愁得
還推到酒邊

春日五言二首

啼禽通夢寐
芳艸過比隣
暖逼花期促
愁牽酒量伸

去就慙雲鴈浮沉羨海鷗
晏心花片落豪氣
柳枝柔

春日七言二首

更與何人共寂寥
竹君時引到溪橋
是家大似東郭子
能使人之意也消

尚有小桃凌姹女
豈無大杓飲衰翁
老來不復談堅白
醉去猶能愛淺紅

鄭太玉送子魚

便當權閣太常齋
藥竈之傍手自煨
須信手

魚藏妙理生令蟹
毋媿凡才刀頭定向何時
得劍脊頻將好意來
老去少陵雖病肺尚堪
持此薦寒醅

兒曹送窮以詩留之

世中貧富兩浮雲
已著居陶比在陳
就使真能去窮鬼
自量無以致錢神
柳車作別非吾意
竹馬論交只汝親
前此半癡今五十
欲將知命付何人

鄭二鎖試五羊父而不還問之廣人

卷之三
云已失解從海道歸潮矣聞知惘
然言此詩

望君挹取哀然首為我迂回長者車璧玉已
聞歸問道足音那復念逃虛卑微官職緣親
屈眊睭情懷賴酒除政使登名伴韓子十年
曾不補遺餘退之復志賦哀白日之不與吾
謀兮至今十年其猶初豈不登
名于一科兮曾
不補其遺餘

驟雨

黑雲驚小市白雨沸秋江聲入家家樹涼傳

處處窻亂流鳴决决疊鼓鬧靡靡蘋末秋風
起斜陽覩海一作
晒邦

江漲

秋來雨似澆雨罷水如潮市改依高岸津喧
救斷橋雲陰哭鳩婦池溢走魚苗天意良難
測前時旱欲焦

代書寄鄭二

別後定何似此中難具陳倦憎秋氣濕老怯
曉烟辛沸議今方爾歸期覺愈伸須煩三絕

手時復餉清新

八月十五夜月

應緣人望望故作出遲遲幾歲一相見浮雲
寧別時陰拚雞膈膊玩覺兔迷離此夕登樓
興非關有所思


夜久睡覺不復能寐凄然有感故作
無復更殘曙夜深清欲饑葉飛魂夢數露重
語音知月色到秋苦更聲臨曉遲平生憎墨
翟老去亦悲絲

立冬後作

唱蔗入佳境冬來幽興長瘴鄉得好語昨夜
有飛霜籬下重陽在醅中小至香西隣蕉向
孰時效一梳黃

端孺糴米龍川得粳糯數十斛以歸
作詩調之

倒拔孤舟入瘴煙歸來百斛瀉豐年炊香未
數神江白米滑釀偏宜佛跡泉飽去定知頻
夢與醉中何至便妨禪憑君爲此長安米看



原件短缺

直公車牘幾千

東隣二首

即今樂事屬墻東歲晚何曾酒盞空白蜜已
輸仍節近紅藤未動况年豐

肯聽寒梅緩緩消笛聲夜夜到溪橋恠生不
似關山月新向城中得徵招

漫成

雲暗便窓破山寒賴屋低往還天外少早晏
雨中迷書冊開仍闔履聲東復西何嘗有所

亂山平鞞鼓知農隙雞豚覺歲成却緣搖落
候木杪得孤城

獨遊

是日遊予獨幽情知者誰時光新舊歲節物
淺深枝鴉攫春祠敏鳶窺野燒癡田園有妙
理吾悔得之遲

醉眠

山靜似太古日長如小年餘花猶可醉好鳥
不妨禪世味門長掩時光筆已便夢中頻得

句拈筆又忘筌

故游茂先大夫元佑初為唐安守豪
逸喜賓客能劇飲談笑蓋陳孟公
之流也今唐安絃索之盛甲于兩
蜀自游使君始後累遷至秦鳳憲
以卒既二十餘年而其子振旅遊
嶠南相過于惠州乃作此詩以贈
之

唐安千指錄琵琶故事猶聞蜀叟誇罇酒何
人陪北海練裙今日見西華子歸未得頻芳
草我老無成學種瓜萬里相逢俱白首班荆
長語夕陽斜

憫雨

老楚能令畏壘豐此身翻累越人窮至今無
柰曾孫稼幾度虛占少女風茲事會須星有
好他時曾厭雨其濠山中賴有菜根足不向
諸侯託寓公

贈博士承議

無盡

南歸遷客氣平和，磊落胸中所得多。白日過從惟綠醕，清宵夢想適維摩。徘徊未忍捐鷄肋，寂寞猶能顧雀羅。好與鄉人敦薄俗，莫因哺啜負岷峨。

次張天覺見贈韻

別公歸去養天和，見說清朝士已多。裾捨登門何處曳，頂緣受記昔曾摩。幾時傳說重調鼎，去歲成湯已解羅。會引鑑湖為故事，要從英主乞三峨。

重陽後一日從無盡泛舟游處士臺

故詩人秦龜從所居

阜河經雨水微沙，船貼臺根日未斜。三徑就荒悲白士，一尊相屬對黃花。已將遠眺收平楚，更遣清言到永嘉。要見仙翁頭似漆，請看醉後落烏紗。

和韻

無盡

東湖水落露堤沙，舟過湖心藻荇斜。野徑小橋穿竹巷，煙村踈柳間蘆花。新秬炊熟臘脂



原件短缺 15~16页

白活鯽珍于丙穴嘉飲散肩輿乘皓月燭籠
何用兩行紗

江陵逢故人宋德粹自播守罷歸南

陽以詩見貽依韻和酬

昔別方初節相逢各素秋君歸卧龍國我脫
墮鳶州霜髮含多事塵容帶倦遊行藏端可
見歲晚莫登樓

走城西別處厚居正二宗兄會居正

出獨共處厚笑語終日頗有卜隣

題覽勝閣後破佛

塵侵面相黃金暗雨入眉毛白玉休此日爭
看大垂手遊人誰復小低頭

將赴闕有感示聃

老畏高門地慵便下澤車終然嬰世網難作
愛吾廬白首趨行在青袍奉起居平生誇好
手到此不如疏

次韻強幼安冬日旅舍

殘歲無多日此身猶旅人客情安枕少天氣

舉盃頻桂玉黃金盡風埃白髮新異鄉梅信
遠誰寄一枝春

次韻幼安留別

白頭重踏軟紅塵獨立鵝行覺異倫往事已
空誰叙舊好詩乍見且嘗新細思寂寂門羅
雀猶勝纍纍塚卧麟力請宮祠知意否漸謀

歸老鑄江濱

吳郡唐先生

唐先生集卷之三

唐先生集

唐先生集目錄

第四卷

惜梅賦 并序

平臺賦 并序

歸歟賦 并序

陌上桑曲

白頭吟

結客少年場

五雜組二首

唐先生集目錄

唐先生集

公無渡河

明妃曲

舞馬行并序

風樹吟

戲題醉仙崖

古生

走筆贈仙姑

醉後怒筆

雲南老人行

憶昔行

午起行

張求

擊劍歌

黎城酒

題崔令曲海後

晝寢效魯直

城上怨

別勾永叔

春日雜言二首

覽鏡

客至

寄題張志行醉峯亭

聞東坡貶惠州

寄郭潛夫

病鶴行

唐先生集目錄卷之四

唐先生集卷之四

眉山唐庚

子西著

賦

惜梅賦 并序

閬中縣庭有梅株甚大正當庭中
出入者患之有勸予以伐去者為
作惜梅賦

縣庭有梅株焉吾不知植于何時蔭一畝其
踈踈香數里其披披侵小雪而更繁得朧月

而益竒然生不得其地俗物溷其幽姿前胥
史之紛拏後囚繫之嚶咿雖物性之自適揆
人意而非宜既不得薦嘉賓于商鼎效微勞
于魏師又不得託孤根于竹間遂野性于水
涯悵驛使之未逢驚羌笛之頻吹恐飄零之
易及雖清絕而安施客猶以爲妨賢也而諷
余旨伐之嗟夫吾聞幽蘭之美瑞乃以當戶
而見夷茲昔人之所短顧仁者之不爲吾迂
數步之行而假以一席之地對寒艷而把酒

嗅清香而賦詩可也

平臺賦 并序

平臺梁王劉武作也班史稱平臺
唐杜甫稱吹臺世以謝惠連嘗爲
雪賦則又謂之雪臺也舊說在大
梁城東比如淳晉灼云在大梁城
東二十里今在城東南蓋漢距今
且千歲城郭凡幾變則聞見之異
宜哉作平臺賦

予與客遊汴都之東南登梁王之平臺顧艸
木之搖落懷古人以裴回客慨然嘆曰吾聞
祖龍失劍楚竊其柄漢鑿其孤矯枉過正齊
楚趙魏燕韓之郊荆楊兗豫青徐之境蟠城
千里星散碁布原田溝澮不知其幾千萬頃
瓜分幅裂以王一姓於是擅爵人而赦死罪
戴黃屋而私蹕警鼓銅破山煮海絕流侈極
奢窮然未有梁山之親倖者也井畢煌煌實
沉之彊北界泰山西抵高陽帝子出閭有燁

其光金錢布幣子女玉帛錦繡寶器車馳轂
擊輓轡繹繹挽來于梁爾乃羽翼鄒枚腹心
勝詭郊關之囿三百餘里萬甍鱗鱗樓閣橫
斜擬于未央之邃也峭築峨峨蔽景于霄擬
于漸臺之峻也淨影潭潭日星泳涵擬于太
液之深也麋鹿咿咿禽珍獸奇擬于上林之
多也旌旗纛旆前騎後乘擬于五柞之遊也
鷲擊盧馳躡景追飛擬于長楊之獵也千金
一壘斲瓊鏤瑰擬于武庫之藏也游談之士

濡毫緩頰曳長裾而從之擬于公車金馬之
待詔也夫侈極則疑勢偏則離弱幹強枝安
能久而不危也邪予曰噫子知其一而未覩
其二也勝廣之亂毒於管蔡呂霍之變危於
吳楚三馬之偏痛於燕秦王淵聖之既深於
齊趙子曷不較其輕重哉周室東遷晉鄭焉
依朱虛叱咤祿產殲夷五葉之後宗國陵遲
洗垢求癩吹毛索疵翦刈肘股棄絕藩籬墮
犬牙之形勢壞磐石之宏基故長沙舉袂而
不得遂中山感音而涕洟濟南之墟梓柱生
枝以饑廢食卒死於饑可不悲哉客憮然爲
問曰然子言得之

歸歟賦

歸歟先生歸歟先生坐講六籍立譚百氏突
姬孔之室奧剗軻雄之心髓游說天子間關
千里射策萬言裨闔亂理葩吐奇霞散綺拔
犀渠擢象齒曾不能八事爲律片言寤昔偃
倮一命摧折委靡窮騏驥于捕鼠困于將干

補履血鷓而肉鯨兮尚不能逞刀杙之殘濕
兮又何足舐昔薛丞相置東閣以觀士朱游
拂衣而起奚扁舟之不汎豈洞庭之無水先
生咲曰嗚呼噫嘻子言小哉病者嗜于土炭
餓者甘于糠粃醉者安於遇虎怒者恬于染
指萬法非實皆由心起狐尾見於疑目牛鬪
聞于病耳宿瘤何惡顰眉何美狐裘何榮牛
衣何耻吾謂戴安道破琴而不肯作未若宋
之遜東笏而唱吟閻立本沮氣於畫師未若

彌正平遺形於鼓史抱關擊柝兮亦悠悠彈
冠結髮兮亦悠悠吾忘形於彼此者也

陌上桑曲

趙女羅敷採桑陌上趙王
見而悅之置酒逸馬羅敷
拒之作陌上
桑見古樂府

蕭疎陌上桑寂寞採桑女蠶老葉轉稀羅敷
淚如雨歛袂感雙蛾秦箏一曲歌殷勤謝郎
意其如義命何

白頭吟

秋風團扇情夜雨長門意高鳥既已逝前魚

當自棄賤妾白頭吟知君懷異心祇知茂陵
女不憶臨邛琴

結客少年場

結客少年場男兒意氣須激昂朝從魯朱家
暮過秦武陽飲酒邯鄲市膝上橫秋霜明年
從軍入燉煌金印紫綬輝路傍貧中知己慎
勿忘

五雜組二首

五雜組水中魚去復還天上鳧不得已轅下

駒

五雜組各利地去復還塵埃轡不得已貧而
仕

公無渡河

公無渡河公無渡河君不見吳兒秋悲小海
唱湘女夜愁招菟譚抱石沉清流弄酒奔素
蛾忠血醉蛟蜃義肉飽鼉鼉暗中水弩貫七
札魚龍百恠垂涎澤吻牙相磨公無渡河公
無渡河平地猶恐生風波

明妃曲

生男禁多才長沙伴湘纍生女禁太美陰山
嫁胡兒長沙雖歸如不歸陰山亦復歸無期
絳灌通侯延壽死琵琶休怨漢天子

舞馬行并序

明皇時教坊舞馬百匹謂之某家
嬌其曲謂之傾杯樂天寶之亂此
馬流落人間魏博田承嗣得之初
不識也已而承嗣大燕軍中酒行

樂作馬聞樂聲起舞承嗣以爲妖
命殺馬予讀其說而悲之遂作舞

馬行

天寶舞馬四百蹄綵牀襯步不點泥梨園一
曲傾杯樂驤首頓足音節齊幾年流落人間
世挽鹽駕鼓不敢嘶忽然技癢不自禁俗眼
驚顧身顛墜後生何嘗識此舞謂之不祥固
其所

風樹吟并序

子路有言樹欲靜而風不止子欲
養而親不在予三復而悲之故作
風樹吟以終其意

樹欲靜兮風不止子欲養兮親不俟歸飛返
哺八九子我曾不如畢逋尾樹欲靜兮風不
休子欲養兮親不留且自梅兮且至棘當年
飼我如鳴鳩

戲題醉仙崖

誰家翠嶺 亭亭白崖隱起仙人形仙人昔

嘗爲酒星乘興痛飲乾北溟五湖一吸聊解
醒江妃喪魄鼇失靈上帝震怒呵出庭酡然
影落秋山青行人幾見霜葉零醉仙醉去不
復醒何須荷鍾隨劉伶河沙劫壞歸冥冥

古生

卷地風來怒濤起驚散沙汀雙翡翠誰將仙
匹鎖金籠孤飛吟呌煙波裏古生開鑠放珍
禽春江日暖重相尋巧舌相和葦風軟綺翼
交飛菰浪深壯哉古生真任俠意氣肝腸何

激烈功成不復更偷生一劍揮霜襟濺血世
間美事多參商白馬青梅人斷腸古生理沒
在何處江山流水空茫茫

走筆贈仙姑

仙姑八十春秋高兩鬢墨黑無斑毛鹿胎冠
子青紗袍神風清峻真仙曹人生瞥忽如銷
膏是非海裏翻波濤五斗官米令人勞安能
俛首爭錐刀願仙乞我瓢裏一丸藥武陵溪
上一撒世俗腥與臊不然教我蟬蛻羽化之

一二海山深處摘取里母千歲不熟之蟠桃

醉後怒筆

灰寒火冷燈微明虛簷瀉雨如瓶傾酒酣耳
熱身體輕撫膺大吼黃鍾聲怒目直視如流
星拔劍擊柱傍人驚丈夫寧可五鼎烹安得
容此吞舟鯨

雲南老人行

雲南老人老無力藜杖支腰隴頭立道逢蜀
客話平生時復仰天長太息自言貴屬瀘水

涓瀘水邊徵瀆獠夷夷人之性類迥不類肆
毒螫為瘡痍十五年前多寇盜一境騷然不
相保民禾收刈虜人家戎馬偷嚙汶江草近
來風俗都變移卷却旌旗張酒旗牛羊村落
晚晴處煙火樓臺日暮時兩眼昏花兩鬢雪
喜見昇平好時節茆屋橫吹一笛風野店携
歸半瓶月問翁致此何因緣道是江陽太守
賢鼓琴絃歌不生事十年靜治安吾邊鄭國
僑去已久誰信人間準前有異日刊為德

政碑請問雲南壠頭叟

憶昔行

憶昔東方來亭傳荒荆棘風庭紅葉乾雨砌
蒼苔濕饑虎撥門開哀禽向人泣十載却西
還亭傳已完葺青鎖掛江山朱欄趁階級行
旅糧不費大跡遺敢拾蜀道無難易人心自
寬急寄言守亭者勿使狐狸入

午起行

細藤簾展波紋綠瓦枕竹林殊不俗白日寒

寥午眠熟起來更覺精神足萬緣寂靜數甌
茶千偈消磨棋一局此間真味有餘清未羨
紛紛厭梁肉

張求

張求一老兵著帽如破斗賣卜益昌市性命
寄杯酒駢馬好人事金錢投甕牖一語不假
借意自用減否鷄肋巧安拳未省怕嗔毆坐
此益寒酸餓理將入口未死且強項那暇顧
炙手士節欠凋喪舐痔甜不嘔求豈知道者

議論無所苟吾寧從之遊聊以激衰朽

擊劒歌

三尺光芒耀霜雪長安使氣爲任俠閑對要
離壯淚垂醉叱荆軻怒嘗裂天下承平猛士
閑夜半無人自彈鋏會須東海斬長蛟歸來
倒瀝腥臊血

黎城酒

黎城酒貴如金汁解盡寒衣纔一吸獄曹叅
軍到骨窮簿書吻燥何由濕夜來細雨落簷

花對客惟有嘗春茶明朝踏月趁早衙免使
路中逢麪車

題崔令曲海後

崔令飲酒五七斗崔令唱辭一千首時時浪
飲輒高謔名韁利鎖摠無有人稱崔令為顛
狂我知崔令非顛狂承流宣化有餘力高歌
浪醉也何妨

晝寢效魯直

雨餘熱喘殊喊呀坐翻故紙腰足麻鋪陳枕

簟寒青紗倒牀不復知橫斜夢魂飛揚遠還
家故人見我一咲譁須臾睡覺衙鼓搗牆頭
暝雀聲槎槎

城上怨

雨作懸河風似箭風號雨馳寒刮面何處巡
城老健兒城上謳吟自哀怨不知底事偏苦
傷聲高聲低哀思長戍邊役重畏酷法去國
年多思故鄉城上謔時夜方半正是孤齋醉
竟斷和風和雨兩三聲推枕投衾坐長嘆傳

聞黠虜動熙河戰士連年不解戈今夜風號
雨馳處城上哀怨知幾何

別勾永叔

巴江灩灩巴山空十里五里蕉花紅少年銳
意立功業破煙一棹輕如風却思三歲相懽
聚說劍論詩輕李杜平生不作兒女悲今日
為君重回顧李白好擊劍
傑解亦如此

春日雜言二首

官居雙海棠何年植庭中風流二月間照耀

一室紅渾家惜此花具飲呼乃翁翁雖怯杯
觴意難逆兒童臍醺十分深白眼一飲空醉
時忘華顛浩歌滿東風
庭前揚柳枝春來蔚然綠老翁鬢邊青已去
不可復舉杯屬春風此理竟如何轉首飛揚
花春風自蹉跎

覽鏡

昔我先君子德與形氣俱褒衣佩長劍軒昂
真丈夫我生困多難乃類山澤癯頭目類麀

鼠愧忝虎豹駒太倉五斗米足養慕爾軀誰
能向天子號饑訴侏儒

客至

山頭竹萬箇風來玉相戛下有屋數間蕭然
如佛刹門無車馬喧幽徑芳艸茁隔窓識君
聲遽起投筆劄黃雞未啄黍環堵無可殺園
蔬煮澹泊山泉啜甘滑何以樂嘉賓春禽日
嘲啞

寄題張志行醉峯亭

先生飽醞籍表裏皆純粹獨推糟與粕施之
為政事百里飲其德陶陶有懽意餘醺落嘉
陵一江醇酒味沉酣倒山骨頽然卧蒼翠亭
中時把酒坐對青山醉醉鄉在何許祇此中
間是先生况多文為續一作醉鄉記

聞東坡貶惠州

元氣脫形數運回天地內東坡未離人豈比
元氣大天地不能容伸舒輒有礙低頭不能
仰閉口焉敢效東坡坦率老局促應難柰何


當與道俱逍遙天地外

寄郭潜夫

我昔遊瀘江泛舟奔楚宮黔江自南來胥會
涪之東黔江清且碧瀘江濁而紅紅碧不相
入分流如卧虹羣瀦激湍濤洶湧成戰攻湏
史盡變濁混混顏色同清固不勝濁此理天
下通君視開成間牛李爭長雄要之贊皇子
不勝太牢公物理自古然徘徊嘆無窮

病鶴行

鶴兮鶴兮何處來秋江靜兮蘆花開波浪浸
月白體體千聲萬聲鳴哀哀不飛不翔不飲
啄膏春稜稜瘦如削冰姿玉質僅生存雪羽
霜毛半零落鶴兮鶴兮何鬱鬱我知爾是冲
天物芝田就養孤高情瑤池洗出神仙骨傳
聞山島冥冥中水晶甃作蓬萊宮祥煙瑞霧
常濛濛好將六翮搏仙風



...

...



